

2025

HMAR

(Modern Indian Language)

Full Marks : 100

Pass Marks : 33

Time : Three hours

SECTION – A

UNIT – I (READING)

15 Marks

1. A hnuoia thuziek hi ngun takin tiem rawh:

Hmuoki chu Hmarhai, Lentlâng vêla an chêng laia hla phuok thiema inthang a nih. A pasal leh an inhmangai thiem êm êm a, nupa indita hril kai hiel an nih. Hmuoki chu vângduoithlâk takin a pasalin a thisan a. A pasal pûr doin ni tinin an khawsakna chu a thlîr a thlîr hlak a. An chêngna Ngente khuo chu a fang a fang hlak a, a mitthli chu a hul hman hrim hrim naw niin an hril. Lunglêngin hla a phuok a phuok a, a ɽap a ɽap a, tlai ni hrim hrim a nei ngai naw niin an hril bawk. A pasal pûr a do lei chun tui a'n sil ngai naw a, a sam chu sahriek a nâl nuom naw a, a lu a khûi nuom bawk nawh. Kumsûl a'n wawi hnung chen khawm chun a nauha'n tui insil a, sahriek innâltir dîngin an la tir pawp naw zing a. A pasal a kuona bán chu tuia sâwp a tum naw hrim hrim a. Lunglêngin hla a phuok a phuok ta lei chun a khuoha'n, "Ei hla phuok dîng phuok zo râwi a tih," tiin a hringin thlânah an phûm niin an hril.

Tu hin a hnuoia indawnnahai hi dawn rawh:

- I. (a) Hmuoki chu ieng anga inthang am a ni a? 2
(b) Hmuoki'n an khawsakna chu ieng leia a thlîr a thlîr hlak am a ni a? 2
(c) Hmuoki chu ieng leia insil nuom lo le lu khûi nuom lova um am a ni a? 2
(d) Hmuoki'n tuia sâwp a tum naw chu ziek rawh. 2
(e) Hmuoki chu ieng leia a khuoha'n a hringa an phûm am a ni a? 2

P.T.O.

II. A hnuoia hai hi a'n dik tak thlang suok rawh:

1 x 2 = 2

A. A chungá thuzieka 'lunglêng' ti umzie inhnaipui chu-

- (a) 'Lungril' a nih.
- (b) 'Lungzîng' a nih.
- (c) 'Khawsâwt' a nih.
- (d) 'Lungngai' a nih.

B. A chungá thuzieka 'khawsakna' ti le 'chêngna' ti hi-

- (a) Umzie inpersan an nih.
- (b) Umzie inang an nih.
- (c) Umzie inhlat an nih.
- (d) Umzie inang lo an nih.

2. A hnuoia thuziek hi ngûk takin tiem rawh:

Mi var chun inchûktirna chu a ngai hlak. Mi invêt ruok chun inchûktirna a ngai nêp. Inchûktirna ngaina mî chun varna le hrietna a'n khâwl khâwm a, a hringnun a tluong hlak. Mi var chun kâwkna le thununna chu a theida ngai naw a. Kâwkna le thununna dawngsawng thiem mî chun lam dik a hraw hlak a, hlawtlingnain a hmuok hlak. Inchûktirna ngaina nawtu chu inthima a khâtin a fe a, lam indik naw tieng a pêt hlak. Mî kâwkna le thununna hre thiem lo chu mi invêt a nih. Hringnuna thil ditum hmu ding chun inchûktirna hi ngaina a, kâwkna le thununna hi tuor inhuom a ngai. Inchûktirna ngaina mi le thununna tuor muolsuotu chun râ ditum a sîk hlak. Mî var chun a var man a fâk sêng naw a, mi invêt ruok chun a'n vêt man a châwi sêng nawh. Mî var ni ding chun inchûktirna hi ngai a, zâwm ding a nih.

I. A chungá thuzieka inthawkin thupui pawimaw zuol pathum (3) nêka tlâwm lo chu ziek rawh.

3

SECTION - B
UNIT - II (WRITING)

25 Marks

3. Hmar biela inthawka âithîng thawn dawh hlak Sinlung Enterprises-a Managing Director i ni a. I office-a thawk ding Accountant pakhat i mamaw a. Chu sin ruok thu chu chanchinbua insuo dingin, Advertisement ziek rawh. 4

Annawleh,

Khuma amani Khumi i ni a. I sangpa chu a lu a na thut leiin, i nu râwiin Hospital-ah in tlânpui a. I pa chu meeting pawimaw nei lai a ni leiin in biek thei naw a. Hospital-a i sangpa in fepui thu chu, i pa kuomah thumal 60 vêlin Message-in hril rawh. 4

4. 'A chângin sim thing a pâr a, a chângin hmâr thing a pâr hlak,' ti tawngkasuok hi, thumal 60 vêlin hril fie rawh. 4

Annawleh,

'Nau var chun nu le pa lâwmna a siem hlak,' ti thuvar hi, thumal 60 vêlin hril fie rawh. 4

5. Ni tina suok chanchinbua News Reporter i ni a. Tui lêt leia mipuiin harsatna an tuok dân, News Report i ziek dân ding takin thumal 100 vêlin report ziek rawh. 5

Annawleh,

In school magazine Editor i ni a. In District Administration-in environment chungchânga Science Symposium a huoihawtna chanchin chu, in school magazine-a inchuon ding Magazine Report ziek rawh. 5

6. Hmâ tieng peia inchûk i tum chu, i nu le pa kuoma lekhathawn ziek dân kalhmang ang takin lekhathawnin hril rawh. 5

Annawleh,

Thanglawr Higher Secondary School, Principal-in Science Lecturer pakhat a dit thu chanchinbua a'n suo le inzawma i hnina chu, kalhmang indik takin Application ziek rawh. 5

7. I hming chu Thanga amanih, Thangi a ni a, Pherzawl Public School-a kâi i nih. In School chun 'Inchûklaihai le Politics-a Inhmang' ti thupui hmanga Debate a huoihawta chun i thang ve a. Hi thupui thlawp zâwng (for) amanih, kal zâwnga (against) i hril ding chu, thumal 120-150 vêlin Debate ziek rawh. 7

Annawleh,

In school-a School Captain i ni a. Class room sùng le school sùnga nungchang mâwi taka um dinga inchûklaihai infûina thu, Morning Assembly-a i hril ding (speech) chu, thumal 150 vêlin ziek rawh. 7

UNIT – III (GRAMMAR)

10 Marks

8. A hnuoia indawnnahai hi dawn rawh: 1 x 4 = 4
- (i) 'Thing trâwl ka ruot khâwm,' ti hi, ziek dik rawh.
- (ii) A'n dik lem thlang rawh: Doctor-in ka ha a tlawng. / Doctor-in ka ha a thlawng.
- (iii) 'Nuhmei ngo ka dit,' tia Adjective thumal chu ziek dawk rawh.
- (iv) 'Kei chun ziel hâwp naw ning,' ti hi Plural sentence-in thleng rawh.
9. A hnuoia hai hi a'n dik tak thlang rawh: 1 x 6 = 6
- A. 'Mi pakhat a ngîr kâk,' tia adverb 'kâk' hin thil thawtu chu-
- (a) A lien tieng a ni ti a suklang.
- (b) A chîn tieng a ni ti a suklang.
- (c) A thâu tieng a ni ti a suklang.
- (d) A sei tieng a ni ti a suklang.
- B. 'Lala'n rap chung a siem,' tia Postposition chu-
- (a) 'Chung' hi a nih.
- (b) 'Rap' hi a nih.
- (c) 'Siem' hi a nih.
- (d) 'Lala' hi a nih.
- C. Thumal hieng, 'râwn, tlâwmte, hnûr, vawng' haia Adverb ni lo chu-
- (a) 'Râwn' hi a nih.
- (b) 'Tlâwmte' hi a nih.
- (c) 'Teu' hi a nih.
- (d) 'Vawng' hi a nih.

D. 'Lekha thiem lang ka nuom,' tia Pronoun hai chu-

- (a) 'Lekha' le 'lang' hi an nih.
- (b) 'Ka' le 'thiem' hi an nih.
- (c) 'Lang' le 'ka' hi an nih.
- (d) 'Lang' le 'nuom' hi an nih.

E. 'Kekawr hi a bal,' tia adjective 'bal' hin-

- (a) Postposition sin a thaw.
- (b) Noun sin a thaw.
- (c) Adverb sin a thaw.
- (d) Verb sin a thaw.

F. Postposition chu-

- (a) Noun hmaah a um hlak.
- (b) Noun hnung le hmaah a um hlak.
- (c) Noun hnungah a um hlak.
- (d) Noun le inkâra a um hlak.

SECTION – C (LITERATURE)

UNIT – IV (PROSE)

25 Marks

10. A hnuoia hai hi a'n dik tak thlang rawh:

1 x 2 = 2

A. Zâwlbûk lûtna le suokna dinga an siem chu-

- (a) 'Dawvân' an tih.
- (b) 'Awkpaka' an tih.
- (c) 'Buonzâwl' an tih.
- (d) 'Bawbel' an tih.

B. Inchûklaihaia Chawngsangvung Pangote thuziek chu-

- (a) 'Mithi Khuo' ti a nih.
- (b) 'Zâwlbûk' ti a nih.
- (c) 'Sûng Khat Ei Nih' ti a nih.
- (d) 'Ringumna' ti a nih.

11. A hnuoia indawnnahai hi thumal pakhat amani sentence pakhatin ve vein
dawn rawh: 1 x 2 = 2

(i) Kristien ei ni hnunga pi le puha'n 'pielrâl' an ti le angkhata ei ngai
chu ie'm a ni a?

(ii) Sera inthawka inkai thei natnahai laia chi khat hming ziek rawh.

12. A hnuoia indawnnahai hi thumal 20 vêl sengin dawn rawh: 2 x 5 = 10

(i) Tu le te'n hlawtlingna an chang phâta inpui nghâktu pu'n a thaw hlak
chu ziek rawh.

(ii) Begum Nuri-in an thlaha'n hung hre zing hai sien a ti chu ie'm a ni a?

(iii) H. L. Daka'n an dai sâwt ngai naw nia a hril chu ie'm a ni a?

(iv) Pi le puhai khan ieng nunphung zûla'm thlarau khawvêl an
suongtuona chu an khum a?

(v) Zâwlbûka tlangvâl ruolin meiser sit nghâl thei dinga an lo sie rûk
hlak thil pahni chu ziek rawh.

13. A hnuoia indawnnahai hi thumal 40 vêl ve vein dawn rawh: 3 x 2 = 6

(i) H. L. Daka'n ringum nawna that nawzie a hrilhai chu ziek rawh

(ii) Nau upa ro hluo remchângnahai ziek rawh.

14. Adolescence Education thil tum le a pawimawna nia i hriethai chu, thumal
100 vêlin ziek rawh. 5

Annawleh,

Tienlai pi le puha'n 'Pielrâl' an ring dân chu, thumal 100 vêlin ziek rawh. 5

UNIT - V (POETRY)

25 Marks

15. A hnuoia hai hi a'n dik tak thlang suok rawh: 1 x 2 = 2
- A. 'Ke ralâwna ka leido aw,' tia 'leido' ti hi-
- (a) 'Lung' tina a nih.
 - (b) 'Vate' tina a nih.
 - (c) 'Râl' tina a nih.
 - (d) 'Phaw' tina a nih.
- B. 'Remna biethu an inhlân sâwng,' ti hla tlar hi-
- (a) 'Virthli Lêng' hlaa inthawk lâk suok a nih.
 - (b) 'Vân Khawpui' hlaa inthawka lâk suok a nih.
 - (c) 'Suilung Phânglo' hlaa inthawka lâk suok a nih.
 - (d) 'Sikpuilâm' hlaa inthawka lâk suok a nih.
16. A hnuoia indawnnahai hi sentence pakhat amani thumal pakhat ve vein dawn rawh: 1 x 2 = 2
- (i) 'Suilung Phânglo' phuoktu'n lungpui anga a bêl chu tu'm a ni a?
 - (ii) Sûma'n 'hmangaina Lal ram' a ti hin ie'm a kâwk a?
17. A hnuoia indawnnahai hi thumal 20 vêl sengin dawn rawh: 2 x 5 = 10
- (i) Hlapu Darkamlo ta dinga chantâwk Khuonu lêng ruot chu ie'm a ni a?
 - (ii) Pathienin a naupa lû a súnna chun ie'm a mi'n tlun a?
 - (iii) Sikpuilâm Hla'n Sikpui an ur lâwk nasat theizie ieng tin an a'n zâwt a?
 - (iv) Virthli lêngin mi tin kuoma a'n hlân diel diel chu ziek rawh.
 - (v) In inchûklai bua hla i hriet tak châng khat chu indik takin ziek dawk rawh.

18. A hnuoia indawnnahai hi thumal 45 vêl ve vein dawn rawh: $3 \times 2 = 6$

(i) Rochunga Pudaite-in hnena thu a'n zâwthai chu, ÷awngkam pangngaiin ziek rawh.

(ii) 'Vân Khawpui' hla'n thina leia lungkham bângna ei invai phâta bêl ding a ti chu ziek rawh.

19. Sûma'n Khawvêl Aigupta rama a zawngchai le a zawngchai a hmu nawna san chu, thumal 100 vêlin ziek rawh. 5

Annawleh,

Hlapu Darkamlo-in, 'Pawmlai di Lalnunnêm,' a tina san ni dinga i ring chu, thumal 100 vêlin hril fie rawh. 5